

seigneur et père avoit trouvé juste et raisonnable qu'en attendant qu'il fust pourveu à leur remboursement qu'ils seroient payez des gages et droicts attribuez à leurs offices par les fermiers des dictes fermes et en attendant qu'advenant leurs decedz auparavant le dict remboursement que leurs dictes offices ne pourroient estre vacquans ni impetrables ains seroient conservez à leurs vefves, enfans et héritiers sans estre pour ce tenu de nous payer aucunes finances ny marc d'or et encores que les dictes déclarations générales fussent suffisantes pour leur assurance sy est ce qu'aucun particuliers officiers en ayant pris noz lettres particulières l'exposant ne voulant rien obmettre pour en assurer les siens de son dict office nous auroit humblement supplié et requis luy en octroyer noz lettres, Scavoir faisons que désirans le faire jouir du contenu aux dictz arrests et déclarations avons dict et declares disons et déclarons, voulont et nous plaist qu'en attendant le dict remboursement le dict Malo sa vie durant et après son decedz ses vefve, enfans ou heritiers jouissent plainement et paisiblement des gages et droicts attribuez à son dict office pour en pouvoir disposer en prenant toutefois nos lettres que leur accorderons sans pour ce nous payer aucune finance ny mar d'or, Sy donnons en mandement à noz amez et feaux conseillers les gens de noz comptes à Paris et autres nos officiers qu'il appartiendra que de ces noz presentes lettres de declaration et du contenu en icelles ilz facent souffrent et laissent jouir et user le dict Malo sa vefve enfans ou héritiers plainement et paisiblement sans permettre ny souffrir qu'il leur soit fait mis ou donne aucun trouble ny empeschement au contraire car tel est nostre plaisir en tesmoing de quoy nous avons fait mettre et apposer nostre scel à ces dictes presentes, Donne a Paris le unziesme jour de décembre l'an de grâce mil six cens treze et de nostre régne le quatriesme, Signée Louis et sur le reply par le Roy la roine régente sa mère présente De lomenie et scellée sur double queue du grand scel de cire jaulne et à costé du dict reply est escript Registrees en /